



Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), člana 19. Statuta Općine Novo Sarajevo („Službene novine Kantona Sarajevo“, br. 5/20 - Prečišćeni tekst i 20/20 - Ispravka) i člana 50. Poslovnika Općinskog vijeća Novo Sarajevo („Službene novine Kantona Sarajevo“, broj 11/25 – Drugi prečišćeni tekst), Općinsko vijeće Novo Sarajevo, na 9. redovnoj sjednici, održanoj dana 11.11.2025. godine, donijelo je

**Pravilnik
o izmjenama i dopuni Pravilnika o kriterijima za dodjelu javnih priznanja Općine Novo
Sarajevo**

**Član 1.
(Dopuna člana 3.)**

(1) U Pravilniku o kriterijima za dodjelu javnih priznanja Općine Novo Sarajevo („Službene novine Kantona Sarajevo“, br. 49/15 i 45/19) u članu 3. iza stava (1) dodaje se novi stav (2) koji glasi:

„Priznanja se ne mogu dodijeliti kandidatima:

- koji su prethodno nagrađeni istim priznanjem Općine;
- ako se utvrdi da prijedlog sadrži neistinite i nedokumentovane navode;
- fizičkim ili pravnim licima koji nisu registrovani i/ili nemaju prebivalište/sjedište na području Općine Novo Sarajevo najmanje dvije (2) godine prije objave Javnog poziva za dodjelu priznanja;
- koja su prvosnažnom presudom, domaćeg ili stranog suda, osuđena na zatvorsku kaznu za djela genocida ili ratnog zločina, kao i za ostala krivična djela.“

**Član 2.
(Izmjena člana 7.)**

(1) U članu 7. stav (3) mijenja se i glasi:

„Zlatna i srebrna plaketa dodjeljuju se samo za:

- izuzetna dostignuća ili rezultate koji su imali vidljiv i trajan uticaj na razvoj, promociju ili dobrobit Općine Novo Sarajevo, ili
- višegodinji (najmanje 5 godina za zlatnu plaketu/2 godine za srebrnu plaketu) predan rad i doprinos u oblastima privrede, obrazovanja, kulture, sporta, zdravstva, nauke, humanitarnog i društvenog angažmana.

Zahvalnica se može dodijeliti fizičkom ili pravnom licu za pojedinačan doprinos, pomoć ili čin koji zaslužuje javno priznanje, ali ne ispunjava uslove za plaketu.“

**Član 3.
(Izmjena člana 10.)**

(1) U članu 10. stav (3) mijenja se i glasi:

„Neblagovremeni prijedlozi, prijedlozi sa nepotpunim obrazloženjem, kao i prijedlozi koji ne sadrže jasne dokaze o djelovanju kandidata neće se uzeti u razmatranje.“

Član 4.
(Izrada prečišćenog teksta)

Komisija za statut i propise utvrdit će prečišćeni tekst Pravilnika o kriterijima za dodjelu javnih priznanja Općine Novo Sarajevo u roku od 30 dana od dana stupanja na snagu Pravilnika o izmjenama i dopuni Pravilnika o kriterijima za dodjelu javnih priznanja Općine Novo Sarajevo.

Prečišćeni tekst Pravilnika o kriterijima za dodjelu javnih priznanja Općine Novo, objavit će se u „Službenim novinama Kantona Sarajevo“.

Član 5.
(Stupanje na snagu)

Ovaj Pravilnik stupa na snagu osmog dana od dana objavljivanja u „Službenim novinama Kantona Sarajevo“.

Broj: 02OV-01-1-10779/25
Sarajevo, 11.11.2025. godine

PREDSEDAVAJUĆI
OPĆINSKOG VIJEĆA NOVO SARAJEVO

Mr. sci. Edison Pavlović